

佛有藥草之喻者

有生苗之時有華實之時自一根而漸至成用者如此真陽之藥自微至著採而用爲修煉者亦如此

即初九潛龍勿用及九二見龍利用之說

我所以直言此論者正以申明古人所謂藥生有時令人人知辨而知用也世人見此論而信不及者則將何處得真陽將指何者爲真藥物哉吾願直與同志者共究之慎毋信邪說姪精不真之藥物爲誤也

鼎器直論第三

沖虛子曰修仙與煉金丹之理同聖聖真真無不借金丹以喻

道藏輯要

天仙正理  
直論

壹

畢集四  
川

明夫仙道仙道以神炁二者而歸復於丹田之中以成真金丹以鉛汞二者而烹煉於爐鼎之內以成寶故神炁有鉛汞之喻而丹田有鼎器之喻也是鼎器也古聖真本爲煉精煉炁煉神所歸依本根之地而言也世之愚人遂專於煉鉛煉汞而墮棄其萬劫不可得之人身

愚人不知身中先煉者爲外丹服食執鼎器之說只信煉鉛汞金石外藥爲服食不死至失人身而不能救此鼎器之說誤人亦甚矣

妖人姪賊遂妄指女人爲鼎指姪姤爲煉藥取男姪精女姪水敗血爲服食誑人自誑補身接命

遊方之士及一切居家愚人以女人爲鼎器以姪姤爲煉接  
命之藥取男洩之姪精陰戶出之姪水經後之敗血從廣胎  
息書之說皆服食之爲接命不死夫世法中猶慎於姪姤姪  
姤傷多者爲房勞之病而死隨之矣正損身喪命之事反誣  
曰補身接命且食有形之物同飲食入脾肚出二便即令姪  
精姪水食之亦入脾肚出二便飲食不能死死精與水亦不  
能死死假使食精與水可死死食屎尿爲自己所出者亦可  
無死乎故鍾離云若教異物堪輕舉細酒羊羔亦上升是也  
此皆由鼎器之說不悟者  
而誤棄其性命本自有之真宗

道藏輯要

天仙正理  
直論

六

畢集四

性即元神命即元炁是我生身本來之所自有者神外馳爲  
姪想炁外馳行姪事皆所以速死者真人以神馭炁同歸於  
炁穴根本處禁之令人住於中而不可出以此禁固之義亦  
曰鼎器

盡由鼎器之說誤之也一鼎器之名而迷者與悟判塗敢不明  
辨而救之哉夫是鼎器也爲仙機首尾歸復變化之至要者也  
首尾者煉精化炁煉炁化神也既用火候爲烹煉必有鼎器  
爲封固既以神炁歸於丹田之根則丹田便是鼎器方有妙  
用

若無此爲歸復之所而持疑無定向則神何以凝精炁歸穴耶



然鼎器猶是古來一名目也

凡有一虛名者必有一實義故世尊所說欲明佛法每借權顯實仙家每有言皆欲顯實故真仙真喻者固多而邪說混入邪喻者更甚

不知身中所本有者有乾坤爐鼎之喻

乾爲上田亦天在上坤爲下田亦地在下故中和集所說亦有天地爲爐鼎者曰鼎鼎原無鼎者

亦有內鼎外鼎之稱者

有稱金鼎銀鼎者鉛鼎汞鼎者水火鼎硃砂鼎者

言外鼎者指丹田之形言也

道藏輯要

天仙正理  
直論

七

畢集四

佛喻曰法界修行佛法之界也

言內鼎者指丹田中之炁言也

佛喻曰華藏曰寂光國土

以形言者言煉形爲煉精化炁之用故古云前對臍輪後對腎中間有個真金鼎者是也

仙道神馭炁之必歸於此安止於此禁之不令外動故鼎器關煉鉛汞者似之

以炁言者言煉炁爲煉炁化神之用故古云先取白金爲鼎器此旌陽真君之說也古以黑鉛喻腎腎中發生真炁取之而喻曰取白金有此白金之元炁是得長生超劫運之本方安

得元神住亦以長生超劫運故曰先取爲鼎器以還神也

又曰分明內鼎是黃金

白金內有戊土之黃色故亦稱曰黃金與上喻同

言白言黃皆言所還之炁是也茲再擴而論之無不可喻鼎器者當其始也

即初關煉精化炁時

欲還先天真炁惟神可得則以元神領炁並歸向於下丹田而後天呼吸皆隨神以復真炁即借言神名內鼎者也可若無是神則不能攝是炁而所止之下田爲外鼎者又炁所藏之本位即所謂有個真金鼎之處

道藏輯要

天仙正理  
直論

六

畢集四  
川川吉

此言丹田既爲外鼎則神亦可爲內鼎也

必凝神入此炁穴而神返身中炁自回

真炁陽精發生時必馳於外者故欲其返回神知炁之在外則神亦馳在外亦欲返回者當其炁之在外而神亦隨之在外及神返身中炁亦隨之返於身中故曰神返身中炁自回也

炁所以歸根者由此也及其既也欲養胎而伏至靈元神

即中關煉炁化神時

惟炁斯可

人生在世間惟是炁載神修仙出世間亦用炁載神



則以先天元炁相定於中田

參同契云太陽流珠常欲去人忽得金華轉而相因又佛家六祖盧能云心是地性是王王居心地上性在王在性去王無之說皆是

似爲關鎖而神即能久伏久定於中

太上云轉神入定

即如前言炁名內鼎者也可若無是炁

即墮孤陰之說

則不能留是神

神無所依著則出入無時馳爲視聽言動之妄若依炁爲念

道藏輯要

天仙正理  
直論

九

畢集四

則無向外妄念矣

而所守之中田爲外鼎者又神所居之本位故神即靜定而寂照者如此也

初煉精化炁固以神爲炁之歸依及煉炁化神又以炁爲神之歸依神炁互相依而互相守緊緊不得相離真可喻鼎器之嚴密一般

盡皆顛倒立名以闡明此道耳故呂仙翁又曰真爐鼎真臺齋知之真者而後用之真用之真者而後證果得其真豈有還丹鼎器之所當明者而可不實究之耶

此又結言自身有還丹鼎器之當究

又豈有取諸身外而可別求為鼎器者耶

此又結言泥土金鐵鼎器及女人假稱為鼎器者俱不可信信之則必誤喪性命

昔有言總在炁聖性靈而得者斯言亦得之矣

白玉蟾云祇將戊己作丹爐煉得紅丸作玉酥蓋戊為腎中炁名白金者曰戊己即心中之本性曰己戊己原屬土故曰土釜即鼎器之別喻也張紫陽曰送歸土釜牢封固是也夫還神攝炁妙在虛無

虛無者乃真先天神炁之相也神无思慮炁無姪姤必先有歸依

道藏輯要

天仙正理  
直論

三

畢集四  
三十一

神依炁炁依神神炁相依而又依中下之外鼎

方成勝定

勝定者最上乘至虛至無之大定也古云心息相依久成勝定

此鼎器之辨不可忽也

火候經第四

沖虛子集說火候經

諸篇皆論此獨名曰經者皆古高真上聖傳於永劫真常不易之經語也

曰天仙是本性元神